

Borgarráð

Samkomulag um uppgjör lífeyrisskuldbindinga við Brú lífeyrissjóð miðað við 31. maí 2017.

Lagt er til að samþykkt verði fyrirbyggjandi samkomulag við Brú lífeyrissjóð um uppgjör lífeyrisskuldbindinga við A-deild lífeyrissjóðsins og fullnaðargreiðslur Reykjavíkurborgar vegna jafnvægisjóðs, lífeyrisaukasjóðs og varúðarsjóðs í samræmi við lög nr. 127/2016 um breytingu á lögum nr. 1/1997 um Lífeyrissjóð starfsmanna ríkisins. Af hálfu lífeyrissjóðsins er áskilið að samkomulagið sé staðfest af sveitarstjórn, sjá hjálögð fyrirbyggjandi óundirrituð drög að samkomulaginu.

Dagur B. Eggertsson

Hjálagt:

Samkomulag um uppgjör á milli Reykjavíkurborgar og Brú Lífeyrissjóðs m.v. 31.05.2017.

Brú lífeyrissjóður starfsmanna sveitarfélaga, kt. 491098-2529, Sigtúni 42, 105 Reykjavík (hér eftir „Brú“); og

Reykjavíkurborg, kt. 530269-7609, hér eftir sameiginlega nefndir „aðilar“, gera með sér svohljóðandi:

SAMKOMULAG UM UPPGJÖR

1. Inngangur

- 1.1. Þann 19. september 2016 gerðu Bandalag háskólamanna, BSRB og Kennarasamband Íslands, annars vegar, og fjármála- og efnahagsráðherra, fyrir hönd ríkissjóðs og Samband íslenskra sveitarfélaga, hins vegar, með sér samkomulag um breytingar á skipan lífeyrismála opinberra starfsmanna. Markmið samkomulagsins var að samræma lífeyrisréttindi á almennum og opinberum vinnumarkaði, að aldurstenging réttinda yrði grundvallarregla kerfisins og að lífeyristökualdur skyldi hækkaður til að stuðla að sjálfbærni kerfisins. Miðuðu breytingarnar að því að koma á samræmdu lífeyriskerfi fyrir alla landsmenn. Fól samkomulagið í sér að breytingar skyldu gerðar á málefnum A-deilda Lífeyrissjóðs starfsmanna ríkisins („LSR“) og Brúar. Meðal annars skyldi ávinnsla lífeyrisréttinda í A-deildum LSR og Brúar verða aldurstengd en ekki jöfn og lífeyristökualdur skyldi hækkaður úr 65 árum í 67 ár. Við framangreindar breytingar skyldu réttindi virkra sjóðfélaga tryggð með sérstökum framlögum til sjóðanna af hálfu launagreiðenda.
- 1.2. Breytingar á lífeyrismálum opinberra starfsmanna samkvæmt samkomulaginu sem vísað er til í grein 1.1. að ofan skulu fjármagnaðar af launagreiðendum, þ.e. ríki og sveitarfélögum, sem skulu leggja sjóðunum til skilgreind framlög sem byggja á tryggingafræðilegu mati á framtíðarskuldbindingum þeirra vegna lífeyrisauka, sem skuli mynda svokallaða lífeyrisaukasjóði. Í framangreindu samkomulagi er einnig kveðið á um framlög launagreiðenda í sérstaka varúðarsjóði sem er ætlað að styðja við lífeyrisaukasjóði A-deilda LSR og Brúar.
- 1.3. Samhliða því samkomulagi sem getið er um í gr. 1.1. að ofan gerðu fjármála- og efnahagsráðherra og Samband íslenskra sveitarfélaga með sér samning um fjármögnun lífeyriskuldbindinga A-deilda LSR og Brúar með fjárframlögum til sjóðanna, dags. 19. september 2016. Samkvæmt 8. gr. samningsins var hann gerður meðal annars með þeim fyrirvara að hann skyldi öðlast gildi gagnvart einstökum sveitarfélögum við samþykkt viðkomandi sveitarstjórna á uppgjöri þeirra á skuldbindingum sem myndast í A-deild Brúar. Aðilar samkomulags þessa líta svo á að framangreindur fyrirvari falli brott gagnvart Reykjavíkurborg við undirritun samkomulags þessa.
- 1.4. Þann 22. desember 2016 voru samþykkt á Alþingi lög nr. 127/2016 um breytingu á lögum nr. 1/1997 um Lífeyrissjóð starfsmanna ríkisins og byggðu þau að meginstefnu til á því samkomulagi sem vísað er til í grein 1.1. að ofan. Í lögnum er meðal annars kveðið á um greiðslu ríkisins á framlagi til A-deildar LSR sem ætlað er að standa undir lífeyrisauka til sjóðfélaga sem rétt eiga á honum samkvæmt lögnum. Lífeyrisauki er þar skilgreindur sem sá mismunur sem er á annars vegar réttindum sjóðfélaga samkvæmt jafnri réttindaávinnslu og 65 ára lífeyristökualdri og hins vegar réttindum sjóðfélaga samkvæmt aldurstengdri réttindaávinnslu og 67 ára lífeyristökualdri. Myndar framlagið svonefndan lífeyrisaukasjóð. Í lögnum er einnig kveðið á um framlag ríkisins í sérstakan varúðarsjóð A-deildar LSR, sem ætlað er að styðja við lífeyrisaukasjóð og framlag ríkisins til A-deildar LSR til að koma áfallinni stöðu deildarinnar í jafnvægi.

- 1.5. Brú starfar á grundvelli laga nr. 129/1997 um skyldutryggingu lífeyrisréttinda og starfsemi lífeyrissjóða og þeirra samþykktar er fyrir sjóðinn gilda. Samkvæmt 2. mgr. ákvæðis til bráðabirgða XVIII í lögum nr. 129/1997, sbr. 9. gr. laga nr. 127/2016, skal stjórn Brúar aðlaga samþykktir A-deildar sjóðsins með sama hætti og kveðið er á um í ákvæði til bráðabirgða VIII í lögum um Lífeyrissjóð starfsmanna ríkisins eftir því sem við getur átt, þar á meðal hvað lífeyristökualdur, aldurstengda réttindaávinnslu, lífeyrisaukasjóði og varúðarsjóði varðar, sbr. ákvæði til bráðabirgða IX–XIV í lögum um Lífeyrissjóð starfsmanna ríkisins. Þann 8. maí 2017 samþykkti stjórn sjóðsins breytingu á samþykktum hans til aðlögunar að ákvæðum laga nr. 129/1997 og laga nr. 1/1997 eftir framangreindar breytingar. Voru þær staðfestar af fjármála- og efnahagsráðherra þann 1. júní 2017. Samkvæmt tilvitnuðum lagaákvæðum, þeim samkomulögum sem fjallað er um í greinum 1.1.–1.3. að ofan og samþykktum Brúar hvílir sú skylda á þeim launagreiðendum sem greiða til sjóðsins að inna af hendi sambærileg framlög til A-deildar Brúar og ríkinu ber að inna af hendi til A-deildar LSR, sbr. grein 1.4. að ofan.
- 1.6. Ber launagreiðendum sem greiða til Brúar þannig að inna af hendi eftirfarandi framlög til A-deildar Brúar:
- i) **9.958.717.284 kr. í jafnvægisjóð** sem ráðstafað skal til að koma áfallinni stöðu A-deildar Brúar í jafnvægi miðað við þann 31. maí 2017; og
 - ii) **7.260.749.984 kr. í lífeyrisaukasjóð** til að mæta framtíðarskuldbindingum vegna lífeyrisauka þeirra sjóðfélaga sem eiga rétt á honum; og
 - iii) **3.015.817.552 kr. í varúðarsjóð** sem ætlað er að styðja við lífeyrisaukasjóð.
- 1.7. Samkomulag þetta lýtur að uppgjöri á hlutdeild Reykjavíkurborgar í fjármögnun þeirra þátta sem tilgreindir eru í grein 1.6. að ofan, en hlutdeild launagreiðanda er sundurliðuð í viðauka 1 *Sundurliðun framlags launagreiðenda í jafnvægisjóð* við samkomulag þetta.
- 2. Framlag í jafnvægisjóð**
- 2.1. Reykjavíkurborg greiddi þann 29. desember 2017 kr. 3.545.383.198 framlag í jafnvægisjóð A-deildar Brúar.
- 3. Framlag í lífeyrisaukasjóð**
- 3.1. Reykjavíkurborg greiddi þann 29. desember 2017 kr. 10.024.692.134 framlag í lífeyrisaukasjóð A-deildar Brúar.
- 4. Framlag í varúðarsjóð**
- 4.1. Reykjavíkurborg greiddi þann 29. desember 2017 kr. 1.078.486.424 framlag í varúðarsjóð A-deildar Brúar
- 4.2. Um ráðstöfun fjármuna úr varúðarsjóði fer samkvæmt 2. mgr. ákvæðis til bráðabirgða XVIII í lögum nr. 129/1997, sbr. ákvæði bráðabirgða X laga nr. 1/1997 um lífeyrissjóð starfsmanna ríkisins, sbr. 7. gr. laga nr. 127/2016 og 9. gr. samþykktar Brúar.
- 5. Málsmeðferð borgarstjórnar**
- Ákvörðun um að gera þetta samkomulag hefur verið samþykkt í borgarstjórn og því til stuðnings leggur Reykjavíkurborg fram við undirritun þessa samkomulags staðfesta bókun borgarstjórnar.

6. Önnur ákvæði

- 6.1. Verði ágreiningur milli aðila í tengslum við samkomulag þetta skulu aðilar leitast við að leysa þann ágreining með samkomulagi sín á milli. Náist slíkt samkomulag ekki er hvorum aðila um sig heimilt að leggja ágreininginn fyrir dómstóla og skal málið þá rekið fyrir Héraðsdómi Reykjavíkur.
- 6.2. Samkomulag þetta er gert í tveimur (2) eintökum, einu fyrir hvorn aðila.
- 6.3. Öllu framanrituðu til staðfestingar undirrita aðilar samkomulagið hér fyrir neðan.

Reykjavík, 2018

f.h. Brúar lífeyrissjóðs starfsmanna
sveitarfélaga

F.h [Reykjavíkurborgar]

VIÐAUKI 1
Sundurliðun framlags launagreiðenda í jafnvægisjóð, lífeyrisaukasjóð og varúðarsjóð

Kennitala	Nafn launagreiðenda	Jafnvægisjóður	Lífeyrisauki	Varúðarsjóður	Samtals framlag
		9.958.717.284	27.260.749.984	3.015.817.552	40.235.284.820
530269-7609	Reykjavíkurborg	3.743.457.324	10.024.692.134	1.078.486.424	14.846.635.882
	Vegna Strætó bs.	-166.172.744			-166.172.744
	Vegna Orkuveitan	-31.901.382			-31.901.382
		3.545.383.198	10.024.692.134	1.078.486.424	14.648.561.756